

爾雅義疏

冊六

國朝文獻

卷一

爾雅郭注義疏中之八

棲霞郝懿行學

釋水第十二

說文云水準也北方之行象衆水並流中有微陽之氣也釋名云水準也準平物也管子水地篇云水者

地之血氣如筋脈之流通者也白虎通云水盛氣也左氏昭十七年傳云水火之牡也茲篇所釋自泉原川流及谿谷溝澮經通灌注靡不詳賅乃至津涉舟航澮宛在水以四瀆爲大故著於篇禮表先河書甄會海故九河終焉

泉一見一否爲瀦

瀦纔有貌

說文云泉水原也象水流成川形瀦漬也引此文否作不古今字耳蓋泉有時出見有時涸竭水脈常含津潤故以瀦漬爲言此古說也郭義則以瀦爲纖纖小意也

井一有水一無水爲瀦沟

山海經曰天井夏有水冬無水卽此類也

易井釋文引雜卦云井通也周書云黃帝穿井世本云化益作井宋衷云化益伯益也釋名云井清也泉之清潔者也井一有水一無水曰瀦沟瀦渴也沟有水聲沟沟也說文云沟激水聲也與釋名合其瀦沟下並引此文郭引中山經文彼云視山有井名曰天井夏有水冬竭又超山亦有井冬有水而夏竭與前相反尤有異者水經注水注云斟水導源穴口若井一日之中十溢十竭信若潮流而注注水由茲以談造化神奇誠難理喻井蠅蠹測難語通方者也

濫泉正出正出涌出也公羊傳曰直出直猶正也沃泉縣出縣出下出也從上溜下

泉穴出穴出及出也從旁出也

說文云濫濡上及下也引詩畢沸濫泉今詩采菽瞻仰俱借作檻傳箋竝用爾雅正義引李巡曰水泉從下上出曰涌泉涌者說文云滕也滕水超涌也然則涌有瀆溢之意水本卑下今直上出同於汜濫故被斯名矣公羊昭五年傳瀆泉者何直泉也直泉者何涌泉也是傳訓直為正故郭援之釋名云濫泉濫銜也人口有所銜口瀆則見也既未顯涌出之義又與正出無會公羊於義為長○說文云沃漑灌也縣繫也釋名云縣出曰沃泉水從上下有所灌沃也詩下泉傳下泉泉下流也正義引李巡曰水泉從上溜下出是下泉即沃泉水與下義相成郭注溜釋文作霽段借字也○沈說文作屨云及出泉也借作沈釋名云側出曰沈泉沈軌也流狹而長如車軌也詩大東傳用爾雅正義引李巡曰水泉從旁出名曰沈沈側出然則李劉俱未顯穴出之義穴說文作次云水从孔穴疾出也又云漿側出泉也是側出之泉又名漿漿从殼聲殼籀文磬字蓋漿之言傾傾即側意此泉旁側不從正出又異縣流故被斯名矣及與側穴與沈俱古字通列子黃帝篇云濫水之潘音盤為淵沃水之潘為淵沈水之潘為淵俱本此為說也

溪闢流川通流過辨回川旋流

釋名云川穿也穿地而流也說文云川貫穿通流水也引虞書曰濬くく距川言深くく之水會為川也考工記兩山之閒必有川焉此釋川之形狀也溪闢說文作溪辟云流水處也玉篇云溪闢通泉○過辨者旋水之名釋文過本或作渦回又作洄並段借字

說文云旋回泉也蓋回旋猶回旋旋水
善休人故別其名過辨溪闢聲又相轉

灘反入

即河水決出又還入者
河之有灘猶江之有沱

水反入者名灘說見下釋名云水從河出曰雍沛言在河岸限內
時見雍出則沛然也水經河水注引爾雅曰灘反入言河決復入
者也河之有灘若漢之有潛也元和郡縣志瀼湖在巴陵縣南引
爾雅云河水決出還復入者為瀼蓋因瀼灘聲同故相借證實則
瀼湖一名翁湖非爾雅所指也一云元和志
引左定四年傳吳敗楚於雍滋即此一

潭沙出

今江東呼水中
沙堆為潭音但

水中有積沙上出者為潭說文云沙水散石也从水从少水少沙
見玉篇云江南人呼水中沙堆為潭廣韵云今河陽縣南有中潭
城按城東魏所築見元和志命名之義蓋不可知或說潭海中沙
也商賈泛海取捷謂之登潭見邵氏正義可備一解郭注江東監
本作河中誤又脫音但
二字今據宋本改補

汧出不流

水泉潛出便
自停成汧池

水出於地便自停蓄而不通流猶人慳吝不肯施散厥名曰汧汧
之為言慳也列子黃帝篇云汧水之潘一音盤一為淵然則淵水停
而不流與此義合邢疏引地理志扶風汧縣汧出西北
入渭以其初出不流停成弦蒲澤藪其終則入渭也

歸異出同流肥

毛詩傳曰所出
同所歸異為肥

爾雅義疏

中之八

釋水

一一中華書局聚

詩泉水傳用爾雅釋名云所出同所歸異曰肥泉本同出時所浸潤少所歸各枝散而多似肥者也與毛傳義同水經淇水注云美溝水東南流注馬溝水又東南注淇水爲肥泉引詩肥泉又引舍人曰水異出流行合同曰肥今是水異出同歸矣是酈本舍人與毛傳異又以斯水卽詩泉源之水也列子肥水之潘爲淵殷敬順釋文亦云水所出異爲肥俱本舍人爲說呂忱又以爾雅異出同流爲澶澶肥聲亦相轉然則諸家爾雅本其不同如此

澶大出尾下

今河東汾陰縣有水口如車輪許潰沸涌出其深無限名之爲澶馮翊郃陽縣復有澶亦如之相去數里而來

河河中渚上又有一澶澶源皆潛相通在汾陰者人壅其流以爲陂種稻呼其本所出處爲澶魁此是也尾猶底也

說文云澶水浸也引此文水經河水注引呂忱曰爾雅異出同流爲澶水然則今本疑有脫文釋文亦云澶水本同而出異與呂忱合也列子湯問篇云壺領山頂有口狀若員環有水涌出名曰神澶一源分爲四然則澶水噴流甚大底源潛通故曰出尾下也水經注云澶水出汾陰縣南四十里去河三里平地開源潰泉上涌大幾如輪深則不測俗呼之爲澶魁古人壅其流以爲陂水種稻東西二百步南北百餘步與郃陽澶水夾河河中渚上又有一澶水皆相潛通故呂忱曰異出同流爲澶其水歷蒲阪西流注於河又云郃陽城北有澶水東逕其城內東入於河又於城內側中有澶水東南出城注於河城南又有澶水東流注於河酈注所言與郭義同而加詳漢晉汾陰並屬河東郡今爲蒲州府榮河縣馮翊郃陽今爲同州府郃陽縣矣又曾鞏齊州二堂記云歷城之西有泉涌出高或至數尺齊人名曰趵突之泉嘗有棄糠於黑水之灣者而見之於此蓋泉自渴馬之厓潛流地中而至此復出也今

按昀突即漢之類凡漢必數處潛通歷城昀突濟水之所溢出也汾陰卻陽諸漢河水之所溢出也

水醺曰醺謂水醺盡

醺當作漣說文漣盡也醺作沕水厓枯土也引此文云水醺曰沕其醺字訓及出泉也讀若軌然則醺沕二字爾雅說文互易古字

段借通用玉篇與今本同

水自河出為澨書曰澨沮會同濟為澨汶為澨洛為波漢為潛書曰沱潛既道淮為

澨江為沱書曰岷山導江東別為沱過為洵潁為沙汝為瀆詩曰遵彼汝瀆皆大水溢出別為小水之名

名

出者溢也此皆謂水所溢故以自出總之說文派別水也蓋大水枝派別出為細流也澨者說文云河澨水在宋又云阪水受陳留浚儀陰溝至蒙為澨水（阪即汴字）水經注云陰溝（即蕩蕩渠）首受大河於卷縣晉楚之戰晉軍爭濟舟中之指可掬即是處也淮南人閒篇云楚莊王勝晉於河雍之閒是雍即澨矣水經河水注又云一水分大河故瀆北出為屯氏河然則枝津分裂川原綺錯雖皆仰挹河流而不得濫膺澨目至於澨水擅名許君特言河澨在宋厥義昭矣又按上言澨反入者彼言入此言出也實一水耳水經瓠子河注引作水自河出為澨釋名作水從河出曰雍沛雍離古今字皆段借也○濟為澨者水經濟水注汜水西分濟瀆東北經濟陰郡南爾雅曰濟別為澨呂忱曰水洩復入為汜音似名也是酈以汜為澨但下文云洩復入為汜說文汜从巳聲音似

與濟水分出之汜水音范者異呂忱不誤酈注蓋失引矣錢氏站
釋地注以楚字誤應爲繁恐是○汶者漢志有二汶泰山郡萊蕪
原山禹貢汶水所出西南入滂此一汶也（禹貢爾雅皆指此汶）
琅邪郡朱虛東泰山汶水所出東至安丘入維又一汶也水經注
所謂東汶一淮南墜形篇云汶出弗其西流合濟弗其卽不其瑯
琊縣名此乃漢志入維之汶非入濟之汶也淮南誤一顏師古以
二汶爲疑不知齊有三汶見於齊乘又述征記泰山郡水皆名汶
何止二汶也汶爲瀾者釋文引李巡云瀾溢也水經洙水注引呂
忱曰洙水出東平陽上承汶水於剛縣西瀾亭東爾雅曰汶別爲
瀾其猶洛之有波矣是洙水卽瀾水春秋經齊人取瀾卽此旁加
水非○洛水亦有二漢志左馮翊襄德洛水東南入渭雍州滽詩
所謂瞻彼洛矣者也弘農郡上雒禹貢維水出豕領山東北至鞏
入河豫州川書所謂伊洛瀍瀕者也水經注云洛水又東門水出
焉爾雅所謂洛別爲波也是酈以門水卽波水職方鄭注波讀爲
播按禹貢滎波正義引馬鄭皆作滎播是播波古字通○漢爲潛
者說文同荀子大略篇注引李巡曰漢水溢流爲潛禹貢荆梁二
州竝有沱潛旣道正義引郭音義云有水從漢中沔陽縣南流至
梓潼漢壽入大穴中通岡山下西南潛出一名沔水舊俗云卽禹
貢潛也水經潛水注云蓋漢水枝分潛出故受其稱餘同郭義又
引鄭曰漢別爲潛其穴本小小水積成澤流與漢合大禹自導漢疏
通卽爲西漢水也是鄭義與郭異又此二說竝指梁州之潛而言
不及荊州也○淮爲潯者漢志臨淮郡淮浦游水北入海水經注
云淮水於縣枝分北爲游水引爾雅曰淮別爲潯游水亦枝稱者
也是游卽潯矣○江爲沱者漢志蜀郡郫禹貢江沱在西東入大
江說文云沱江別流也出嶧山東別爲沱寰宇記引李巡云江溢
出流爲沱禹貢正義引郭音義云沱水自蜀郡都安縣蒯山與江

別而更流又引鄭注云今南郡枝江縣有沱水其尾入江耳首不
於江出也華容有夏水首出江尾入沔蓋此所謂沱也是鄭以夏
水爲荊州之沱郭以郢江爲梁州之沱二說不同兼之乃備○過
爲洵者說文云過水受淮陽扶溝浪湯渠東入淮水經注云陰溝
始亂蕩蕩終別於沙而過水出焉引爾雅曰過爲洵呂忱曰洵過
水也按說文洵過水中也過當爲過中當爲出釋文過本或作過
漢志作過竝爲假借○潁爲沙者漢志潁川郡陽城陽乾山潁水
所出東至下蔡入淮水經注臨潁縣潁水自縣西流注小潁水出
焉爾雅曰潁別爲沙亦猶江別爲沱也是小潁水卽沙水矣○汝
爲潁者說文云汝水出弘農盧氏還歸山東入淮水經注云汝水
東南逕奇頴城西北潁水出焉世亦謂之大潁水爾雅曰河有灋
汝有潁然則潁者汝別也故其下夾水之邑猶流汝陽之名是或
潁灋之聲相近矣按灋今變作潏大潏水在今鄆城縣卽汝水別
流也說文引爾雅作汝爲涓釋文引字林同云衆爾雅本亦作涓
是潁古作涓唯郭本作潁耳

水凌之澤爲汧

水凌入澤中者亦名爲汧

凌復入爲汜

水出去復還

汧已見上此申釋之說文云凌行流也水經注云渭水東逕郁夷
縣故城南汧水入焉水出汧縣之蒲谷鄉故中谷凌爲弦蒲藪爾
雅曰水凌之澤爲汧汧之爲名實兼斯舉郭云亦名汧者亦亦上
文錢氏址曰澤亦弦蒲澤也弦汧聲同是矣闕駟以楚水爲汧水
非也○說文云汭水別復入水也釋名云水凌復入爲汭汭已也
如出有所爲畢已而還入也詩江有汭傳用爾雅淮南道應篇云
至於河上而航在一汭高誘注
汭水涯也蓋借汭爲俟非此

河水清且瀾漪大波為瀾

言渙

小波為淪

言蘊

直波為徑

言徑

詩河水清且連漪河水清且直漪河水清且淪漪此釋之也不並引者文省也正義引李巡云分別水大小曲直之名說文云波水涌流也大波為瀾瀾或作連詩伐檀傳風行水成文曰連釋名云風行水波成文曰瀾瀾連也波體轉流相及連也水小波曰淪淪倫也小文相次有倫理也水直波曰徑徑也言如道徑也詩釋文引韓詩云順流而風曰淪淪文貌毛傳小風水成文轉如輪也直直波也按直又訓徒也徒波無風自波對淪連皆因風成文此自生波故曰直波直有徑遂之義故曰徑也徑釋文作徑云字或作徑今從宋本

瀾釋文作瀾

江有沱河有灘汝有瀆

此故上水別出所作者重見

水名已具上文此重見者詩汝瀆正義引李巡曰江河汝旁有肥美之地名然則此以地言彼以水言名同義異李說是也今以其意求之梁州之沱其地在蜀郫土江鄉膏腴沃壤至於荊州之沱江夏雲杜邛虛相望皆其地矣河之有灘左傳所云(僖廿八年)至於衡雍杜注以為鄭地在滎陽卷縣是其地濱河岸密邇王宮雍即灘矣若乃詩之汝瀆樵採所遵枚條籛茂其為地號更不待言孔氏正義猶以彼墳從土此瀆從水為疑非矣郭以為水名重見尤非

澣水厓

水邊地

此亦水邊地名與沱灘瀆同故並釋之上文云淮為澣彼以水言此以地言也詩葛藟正義引李巡曰澣水邊地名厓也北山正義

引絲炎曰厓水邊也釋上岸
上澗洙爲厓與此義互相足

水草交爲澹詩曰居河之澹

湄者說文用爾雅釋名云湄眉也臨水如眉臨目也水經川歸之
處也左氏傳士八年正義引李巡曰水中有草木交會曰湄水經

濟水注引舍人云水中有草木交合也郭引詩巧
言文湄詩作麋左傳余賜女孟諸之麋竝古字通

濟有浚涉謂濟渡之處浚則厲淺則揭揭者揭衣也謂褰裳也以衣涉水爲厲

衣謂褻繇以下爲揭繇以上爲涉繇帶以上爲厲繇自

詩匏有苦葉文此釋之也左氏襄十四年正義引李巡曰濟渡也
水深則厲水淺則揭衣渡也不解衣而渡水曰厲繇炎曰揭褰衣

裳也以衣涉水濡褻也毛傳俱本爾雅唯不引繇繇以下爲揭一
句文省耳釋文引韓詩云至心曰厲至心卽是繇帶以上雖變其

文實用其意也必以繇繇繇帶言者蓋爲空言淺深恐無準限故
特舉此爲言明過此以往則不可渡也然亦略舉大槩而言實則

繇帶以下亦通名厲故論語鄭注及左傳服虔注竝云由繇以上
爲厲明繇繇以上卽繇帶以下故約略其文耳衣是大名裳與褻

皆衣類以言揭故知爲褸裳以衣涉故知衣謂褻也釋名云褻貫
也貫兩脚上繫要中也厲有凌厲之義因爲涉水之名故說文涉

字解云徒行厲水也是厲涉通名列子說符篇云懸水三十仞圓
流九十里有一丈夫方將厲之上林賦云越壑厲水皆以厲爲涉

也說文厲作𡵿引詩深則𡵿或作瀦云履石渡水也按詩在彼淇
厲蓋以厲爲橋梁此皆別解義與爾雅異也繇與由同由自也本

爾雅義疏 中之八 釋水 五 中華書局聚

釋詁

潛行為泳

水底行也晏子春秋曰潛行逆流百步順流七里

說文泳潛行水中也潛涉水也詩云泳之游之蓋游與泳對文則別散文亦通故釋言云泳游也是其義同詩云不可泳思列子黃帝篇云彼中有寶珠泳可得也毛傳及張湛注俱用爾雅郭引晏子春秋古冶子詞也

汎汎楊舟緋縞維之緋繹也

繹索縞緋也

詩采芣文毛傳緋繹也縞緋也正義引李巡曰繹竹為索所以維持舟者孫炎曰繹大索也舟止繫之於樹木戾竹為大索正義云緋訓為緋繹是大繩繹訓為緋緋又為繫正謂舟之止息以繩繫而維持之詩釋文引韓詩云縞籜也釋名云引舟者曰籜然則籜可引舟亦可繫舟籜與緋義相成也繹說文作繹詩作繹縞作縞竝字異音義同

天子造舟

比船為橋諸侯維舟

四船連大夫方舟

併兩士特舟

單庶人乘泂

併木以渡

說文云舟船也古者共鼓貨狄剡木為舟剡木為楫以濟不通釋名云舟言周流也造舟者詩大明傳用爾雅正義引李巡曰比其舟而渡曰造舟孫炎曰造舟比舟為梁也公羊宣十二年疏引舊說云以舟為橋詰其上而行過故曰造舟也按此雖爾雅舊說但以造為詰不及李孫訓造為比蓋比竝其船加板於上孔穎達謂即今浮橋是也方言云船古造字一舟謂之浮梁閼居賦云浮梁

黝以徑度皆其義也至其竝船之數釋文引郭圖云天子竝七船
按禮自上以下降殺以兩若以諸侯四大夫二士一推之則天子
當竝六船也又說文引此四句作禮蓋出古禮經之文○維舟者
詩正義引李巡曰中央左右相維持曰維舟公羊疏引孫炎云維
連四船音義曰維持使不動搖也按維非並也但連繫之使不散
孔穎達謂維舟以下則水上浮而行之但船有多少為等差耳其
說是矣○方舟者詩正義引李巡曰併兩船曰方舟說文方併船
也象兩舟省總頭形方或从水作仿方言云方舟謂之橫郭注揚
州人呼渡津舫為橫荊州人呼杭音橫說文杭方舟也一杭即航
字一詩借為杭一葦杭之是也方古讀如旁亦讀如傍併聲轉
今俗為併為傍此古音也金鶚云併船是方本義通而言之凡相
併皆曰方鄉射禮云不方足鄭注方猶併也詩維鳩方之亦謂竝
處於一巢也○特舟者公羊疏引李巡云一舟曰特又云庶人乘
舟者併木以渡別尊卑也然則併亦方也釋言云舫附也舫即方
字又借為枋史記張儀傳云枋船載卒枋與舫同枋船即舫附也
論語乘桴桴亦附也附舟同類故齊語云方舟設附蓋兼士庶言
之

水注川曰谿注谿曰谷注谷曰溝注溝曰澮注澮曰瀆此皆道水轉相灌注所入之處

名

此別水所注入之名舊注云皆以小注大大小異名郭注上林賦
云自谿及瀆皆水相通注也谿者釋山云山瀆無所通谿彼謂窮
瀆此則通川之谿也蓋謂谿澗之水能自達於通川故左氏隱三
年正義引李巡曰水出於山入於川為谿也谷者說文云泉出通
爾雅義疏 中之八 釋水 六一中華書局聚

川爲谷从水半見出於口公羊僖三年傳無障谷蓋谷口出水無障斷之使通於谿故疏引李巡云水相屬曰谷然則谷者屬也水流相屬灌輸也溝澮者釋名云水注谷曰溝田閒之水亦曰溝溝構也從橫相交構也注溝曰澮澮會也小溝之所聚會也澮者御覽七十五引舊注云水流不絕曰澮然則澮之爲言猶澮也相澮不絕之意說文云澮溝也是溝澮通名釋山又以谿澮並稱可知此皆山閒瀉水非有巨浸洪流且澮無妨四澮同名溝澮亦非匠人舊制豈便有四尺二尋之規乎一匠人溝廣四尺深四尺澮廣二尋深二仞一邢疏泥考工之文失爾雅之義乃謂自溝以下與上不類謬矣彼是田閒水道此乃谿谷細流何可同也今試倒轉其文則爲澮注於澮澮注於溝澮注於谷谷注於谿谿注於川上下文義俱順矣此自言水轉相澮注之異名耳云何不類

逆流而上曰汭回順流而下曰汭游

皆見詩

汭說文作汭云逆流而上曰汭回汭向也水欲下違之而上也汭或作迴迴游迴也游作汭云浮行水上也汭或作迴詩迴游傳用爾雅迴游傳云順流而汭曰迴游正義引孫炎曰逆渡者逆流也順渡者順流也按迴猶回也華嚴經音義下引三蒼云水轉曰迴蓋逆流則向水回轉順流則但浮游直行而已左氏哀四年傳吳將汭江入郢杜預注逆流曰汭莊十八年傳閭敖游涌而逸杜注游涌水而走也

正絕流曰亂

直橫渡也書曰亂于河

詩涉渭爲亂傳用爾雅正義引孫炎曰直橫渡也是正訓直絕猶截也截流橫渡不順曰亂郭引書禹貢梁州文

江河淮濟爲四瀆四瀆者發原注海者也

釋名云天下大水四謂之四瀆江河淮濟是也瀆獨也各獨出其
所而入海也江公也諸水流入其中所公共也淮圍也圍繞揚州
北界東至海也河下也隨地下處而通流也濟濟也言源出河北
濟河而南也海晦也主承穢濁其色黑而晦也白虎通云瀆者濁
也中國垢濁發源東注海其功著大故稱瀆也風俗通云尚書大
傳禮三正記江河淮濟爲四瀆瀆者通也所以通中國垢濁民陵
居殖五穀也江者貢也珍物可貢獻也河者播爲九流出龍圖也
淮者均均其務也濟者齊齊其度量也四瀆發原注海禹貢具詳
其文河說見下漢志蜀郡蒲氏道禹貢嶧山在西徼外江水所出
東南至江都入海今江出四川松潘衛邊徼外西番地之岷山至
江南通州入海漢志南陽郡平氏禹貢桐柏大復山在東南淮水
所出東南至淮陵入海今淮出河南南陽府桐柏縣之桐柏山至
江南清河縣與河合流至安東縣入海漢志河東郡垣禹貢王屋
山在東北沈水所出東南至武德入河軼出滎陽北地中又東至
琅槐入海今濟出河南懷慶府濟源縣之王屋山至武陟縣入於
河管子度地篇云水之出於山而流入於海者命曰經水水別於
他水入於大水及海者命曰枝水然則四瀆者經流也挾衆支流
而注於海者也說文海天池也以納百川者注灌也原水泉本也
原今作源

水泉

題上事也管子水地篇云水者何也萬物之本原也水
之原在乎泉故釋水之篇先泉後水又總題曰水泉也

初學記引郭氏讚云類聚作釋水讚川瀆綺錯渙
瀾流帶潛潤旁通經營華外殊出同歸混之東會

水中可居者曰洲小洲曰階小階曰汚小汚曰坻人所爲爲汙人所作

此釋水中之地名洲者說文作州引詩在河之州釋名云水中可居者曰洲洲聚也人及鳥物所聚息之處也詩關雎正義引李巡曰四方皆有水中央獨可居一切經音義十七引孫炎曰水有平地可居者也方言云水中可居爲洲三輔謂之淤蜀漢謂之漿郭注引上林賦曰行乎洲淤之浦○階當爲渚說文引作小州曰渚釋名云渚遮也體高能遮水使從旁回也詩江有渚傳渚小洲也水歧成渚釋文引韓詩云一溢一否曰渚渚小洲也按廣雅云渚處也是渚亦可居處故韋昭齊語注水中可居者曰渚爾雅不言者文省耳又以上句例之不言可知○汚者詩采芣傳汚渚也不言小者亦文省也說文用爾雅釋名云汚止也小可以止息其上也然則汚小於渚不可居處但容止息而已○坻者釋名云小汚曰坻坻遲也能遏水使流遲也說文本詩蒹葭傳云坻小渚也變汚言渚者渚汚雖大小異名其實一耳正義云以渚易知故繫渚言之邢疏引李巡云但大小異其名是也○汙者說文云水中坻人所爲爲汙是汙亦坻也但以人所爲爲異耳釋名云汙術也汙水使鬱術也魚梁水碓之謂也魚梁者周禮獻人掌以時獻爲梁鄭衆注梁水偃也（偃俗作堰）堰水爲關空以笥承其空是也水碓者於急流水中偃水爲之設轉輪於下用水衝激速於賃舂魚梁水碓皆人所爲故舉以譬況焉釋文引郭圖云水中自然可居者爲洲人亦於水中作洲而小不可止住者名汙水中地也御覽

七十一引舍人云汙人力水爲居止一疑有脫誤一按釋文汙郭述陵二音是也

水中

題上事也洲渚汚坻汙皆水中高地故題曰水中也

河出崑崙虛色白

山海經曰河出崑崙西北隅虛山下基也發源處高激峻湊故水色白也

所渠并千七

百一川色黃

潛流地中汨漱沙壤所受渠多衆水溷淆宜其濁黃

百里一小曲千里一曲一直

公羊傳曰河曲流河千里一曲一直

水經注引春秋說題辭云河之爲言荷也荷精分布懷陰引度也考異郵云河者水之氣四瀆之精也初學記引孝經援神契云河

者水之伯上應天漢又引穆天子傳河與江淮濟三水爲四瀆河曰河宗四瀆之所宗也按爾雅旣言四瀆而以九河終焉其意蓋

在此也說文云河水出焞煌塞外昆侖山發原注海釋文引郭音義云禹本紀及山海經皆云河出崑崙山漢書曰張騫使西域窮

河源其山多玉石而不見崑崙也世人皆以此疑河不出崑崙按山海經曰東望泐澤河水之所潛也其源渾渾泡泡又云敦薨之

水注于泐澤出乎崑崙之西北隅實惟河源也西域傳又云河有兩源一出蔥嶺山一出于闐于闐在南山下其河北流與蔥嶺之

河合東注鹽澤鹽澤一名蒲昌海去玉門陽關三百餘里一水經注三上有千字漢書脫之此仍其失一輪廣三四百里其水停冬

夏不增減皆以爲潛行地下而南出於積石山而爲中國河云然則河出崑崙崙崙便潛行地下至蔥嶺及于闐復分流歧出也張騫所

見蓋謂此矣其去崑崙里數遠近所未得而詳也泐澤卽鹽澤也又引郭圖讚云崑崙三層號曰天柱實惟河源水之靈府按此以

上釋文所引皆是古來相傳舊說然於河出崑崙里數遠近靡得而詳新唐書吐蕃傳載劉元鼎所經紫山直大羊同國虜曰悶摩

黎山卽古所謂崑崙崙崙距長安五千里而元史地理志稱河源出吐蕃朵甘思西鄙名火敦腦兒譯言星宿海也又言朵甘思東北有